



新刻
校正

咒咒

詩
咒
經

服部文庫
117
154
1



117
154
1

詩傳序

或有問於予曰。詩何爲而作也。予應之曰。人生而靜。天之性也。感於物而動。性之欲也。夫既有欲矣。則不能無思。既有思矣。則不能無言。既有言矣。則言之所不能盡。而發於咨嗟詠歎之餘者。必有自然之音響節族而不能已焉。此詩之所以作也。曰然則其

所以教者何也。曰：詩者，人心之感物而形於言之餘也。心之所感有邪正，故言之所形有是非。惟聖人在上，則其所感者無不正，而其言皆足以爲教。其或感之之雜，而所發不能無可擇者，則上之人必思所以自反而因有以勸懲之，是亦所以爲教也。昔周盛時，上自郊廟朝廷，而下達於鄉黨閭巷，其言粹然無不出於正者。聖人固已協之聲律而用之，鄉人用之，邦國以化天下。至於列國之詩，則天子巡守亦必陳而觀之，以行黜陟之典。降自昭穆而後，寢以陵夷。至於東遷而遂廢不講矣。孔子生於其時，旣不得位，無以行勸懲黜陟之政。於是特舉其籍而討論之，去其重複，正其紛

亂而其善之不足以爲法惡之不足以爲戒者則亦刊而去之以從簡約示久遠使夫學者卽是而有以考其得失善者師之而惡者改焉是以其政雖不足以行於一時而其教實被於萬世是則詩之所以爲教者然也曰然則國風雅頌之體其不同若是何也曰吾聞之凡詩之所謂風者多出於里巷謠謠之作所謂男女相與詠謔各言其情者也唯周南召南親被文王之化以成德而人皆有以得其性情之正故其發於言者樂而不過於淫哀而不及於傷是以二篇獨爲風詩之正經自邶而下則其國之治亂不同人之賢否亦異其所感而發者有邪正是非之不齊而所謂先

王之風者於此為變矣。若夫雅頌之篇則皆成周之世。朝廷郊廟樂歌之詞。其語和而莊。其義寬而密。其作者往往聖人之徒。固所以為萬世法程而不可易者也。至於雅之變者亦皆一時賢人君子。閑時病俗之所為。而聖人取之。其忠厚惻怛之心。陳善閉邪之意。尤非後世能言之士所能及之。此詩之為經。所以人事浹於下。天道備於上。而無一理之不具也。曰然則其學之也。當奈何。曰本之二南。以求其端。參之列國。以盡其變。正之於雅。以大其規。和之於頌。以要其止。此學詩之大旨也。於是乎章句以綱之。訓詁以紀之。諷詠以昌之。涵濡以體之。察之情性隱微之間。審之言行樞

言月
機之始則脩身及家平均天下之道
其亦不待他求而得之於此矣問者
唯唯而退余時方輯詩傳因悉次是
語以冠其篇云淳熙四年丁酉冬十
月戊子新安朱熹書

詩目錄

國風一

周南

一之一
十一篇

關雎

葛覃

卷耳

樛木

螽斯

桃夭

兔置

芣苢

漢廣

汝墳

麟之趾

召南

一之二
十五篇

鵲巢

采芣

艸蟲

采蘋

甘棠

行露

羔羊

殷其雷

標有梅

小星

江有汜

野有死麇

何彼禮矣 騶虞

邶風

一之三
十九篇

柏舟

綠衣

燕燕

日月

終風

擊鼓

凱風

雄雉

匏有苦葉

谷風

式微

旄丘

簡兮

泉水

北門

北風

靜女

新臺

二子乘舟

鄘風

一之四
十篇

柏舟

牆有茨

君子偕老

桑中

鶉之奔奔

定之方中

蝦蟇

相鼠

千旄

載馳

衛風

一之五
十篇

淇奥

考槃

碩人

氓

竹竿

芄蘭

河廣

伯兮

有狐 木瓜

王風 一之六
十篇

黍離 君子于役 君子陽陽 揚之水

中谷有蕓 兔爰 葛藟 采葛

大車 丘中有麻

鄭風 一之七
二十一篇

緇衣 將仲子 叔于田 大叔于田

清人 羔裘 遵大路 女曰雞鳴

有女同車 山有扶蘇 韉兮 狡童

褰裳 丰 東門之墠 風雨

子衿 楊之水 出其東門 野有蔓艸

溱洧

齊風 一之八
十篇

雞鳴 還 著 東方之日

東方未明 南山 甫田 盧令

敝笱 載驅 猗嗟

魏風一之九
七篇

葛屨 紛沮洳 園有桃 陟岵

十畝之間 伐檀 碩鼠

唐風一之十
十二篇

蟋蟀 山有樞 揚之水 椒聊

綢繆 杕杜 羔裘 鴝羽

無衣 有杕之杜 葛生 采芣

秦風一之十一
十篇

車鄰 駟驥 小戎 蒹葭

終南 黃鳥 晨風 無衣

渭陽 權輿

陳風一之十二
十篇

宛丘 東門之枌 衡門 東門之池

東門之楊 墓門 防有鵲巢 月出

株林 澤陂

檜風一之十三
四篇

羔裘 素冠 隰有萋楚 匪風

曹風 一之十四
四篇

蟋蟀 候人 鴉鳩 下泉

豳風 一之十五
七篇

七月 鴝鵒 東山 破斧

伐柯 九罭 狼跋

小雅二

鹿鳴之什 二之一
十篇

鹿鳴 四牡 皇皇者華 棠棣

伐木 天保 采芣 出車

杕杜 南陔

白華之什 二之一
十篇

白華 華黍 魚麗 由庚

南有嘉魚 崇丘 南山有臺 由儀

蓼蕭 湛露

彤弓之什 二之三
十篇

彤弓

菁菁者莪

六月

采芣

車攻

吉日

鴻雁

庭燎

沔水

鶴鳴

祈父之什

二之四
十篇

祈父

白駒

黃鳥

我行其野

斯干

無羊

節南山

正月

十月之交 雨無正

小旻之什

二之五
十篇

小旻

小宛

小弁

巧言

何人斯

巷伯

谷風

蓼莪

大東

四月

北山之什

二之六
十篇

北山

無將大車

小明

鼓鐘

楚茨

信南山

甫田

大田

瞻彼洛矣

裳裳者華

桑扈之什

二之七
十篇

桑扈

鴛鴦

頽弁

車牽

青蠅

賓之初筵

魚藻

采芣

角弓

菀柳

都人士之什

二之八
十篇

都人士

采芣

黍苗

隰桑

白華

緜蠻

瓠葉

漸漸之石

苕之華

何州不黃

大雅三

文王之什

三之一
十篇

文王

大明

緜

棫樸

旱麓

思齊

皇矣

靈臺

下武

文王有聲

生民之什

三之二
十篇

生民

行葦

既醉

鳧鷖

假樂

公劉

洞酌

卷阿

民勞

版

蕩之什 三之三
十一篇

蕩 抑 桑柔 雲漢

崧高 烝民 韓奕 江漢

常武 瞻卬 召旻

頌四

周頌清廟之什 四之一
十篇

清廟 維天之命 維清 烈文

天作 昊天有成命 我將

時邁 執競 思文

周頌臣工之什 四之二
十篇

臣工 噫嘻 振鷺 豐年

有瞽 潛 雖 載見

有客 武

周頌閔予小子之什 四之三
十一篇

閔予小子 訪落 敬之 小毖

載芟 良耜 絲衣 酌

桓

賚

般

魯頌

四之四
四篇

駟

有駟

泮水

閟宮

商頌

四之五
五篇

那

烈祖

玄鳥

長發

殷武

詩經目錄終

詩經

國風一

周南一之一

關關雎鳩。在河之洲。窈窕淑女。君子好逑。

參差荇菜。左右流之。窈窕淑女。寤寐求之。求之

不得。寤寐思服。悠哉悠哉。輾轉反側。

參差荇菜。左右采之。窈窕淑女。琴瑟友之。參差

荇菜。左右芼之。窈窕淑女。鐘鼓樂之。



關雎三章一章四句二章章八句

葛之覃兮。施于中谷。維葉萋萋。黃鳥于飛。集于
灌木。其鳴喈喈。○葛之覃兮。施于中谷。維葉莫
莫。是刈是漙。為絺為綌。服之無斃。○言告師氏
言告言歸。薄污我私。薄澣我衣。害澣害否。歸寧
父母。

葛覃三章章六句

采芣苢耳。不盈頃筐。嗟我懷人。寘彼周行。○陟
彼崔嵬。我馬虺隤。我姑酌彼金罍。維以不永懷。
○陟彼高岡。我馬玄黃。我姑酌彼兕觥。維以不
永傷。○陟彼砠矣。我馬瘠矣。我僕痡矣。云何吁
矣。

卷耳四章章四句

南有樛木。葛藟荒之。樂只君子。福履綏之。
南有樛木。葛藟荒之。樂只君子。福履將之。
南有樛木。葛藟荒之。樂只君子。福履成之。

樛木三章章四句

螽斯羽。詵詵兮。宜爾子孫振振兮。
螽斯羽。薨薨兮。宜爾子孫繩繩兮。
螽斯羽。揖揖兮。宜爾子孫蟄蟄兮。

各斯三章章四句

桃之夭夭。灼灼其華。之子于歸。宜其室家。
桃之夭夭。有蕡其實。之子于歸。宜其家室。
桃之夭夭。其葉蓁蓁。之子于歸。宜其家人。

桃夭三章章四句

肅肅兔置。椽之丁丁。赳赳武夫。公侯干城。
肅肅兔置。施于中林。赳赳武夫。公侯好仇。
肅肅兔置。施于中林。赳赳武夫。公侯腹心。

兔置三章章四句

采采芣苢。薄言采之。采采芣苢。薄言有之。
采采芣苢。薄言掇之。采采芣苢。薄言捋之。
采采芣苢。薄言袺之。采采芣苢。薄言襋之。

采芣三章章四句

南有喬木。不可休息。漢有游女。不可求思。漢之
廣矣。不可泳思。江之永矣。不可方思。○翹翹錯
薪言刈。其楚之子于歸。言秣其馬。漢之廣矣。不
可泳思。江之永矣。不可方思。○翹翹錯薪言刈。
其蓂之子于歸。言秣其駒。漢之廣矣。不可泳思。
江之永矣。不可方思。

漢廣三章章八句

遵彼汝墳。伐其條枚。未見君子。惄如調飢。
遵彼汝墳。伐其條肄。既見君子。不我遐棄。
魴魚鱗尾。王室如燬。雖則如燬。父母孔邇。

汝墳三章章四句

麟之趾。振振公子。于嗟麟兮。
麟之定。振振公姓。于嗟麟兮。
麟之角。振振公族。于嗟麟兮。
麟之趾。三章章三句

周南之國十一篇三十四章百五十九

句

召南一之二

維鵲有巢。維鳩居之。之子于歸。百兩御之。
維鵲有巢。維鳩方之。之子于歸。百兩將之。
維鵲有巢。維鳩盈之。之子于歸。百兩成之。

鵲巢三章章四句

于以采芣。于沼于沚。于以用之。公侯之事。
于以采芣。于澗之中。于以用之。公侯之宮。
被之僮僮。夙夜在公。被之祁祁。薄言還歸。

采芣三章章四句

嘒嘒艸蟲。趯趯阜螽。未見君子。憂心忡忡。亦既
見止。亦既覯止。我心則降。○陟彼南山。言采其
蕨。未見君子。憂心惓惓。亦既見止。亦既覯止。我
心則說。○陟彼南山。言采其薇。未見君子。我心
傷悲。亦既見止。亦既覯止。我心則夷。

艸蟲三章章七句

于以采蘋南澗之濱于以采藻于彼行潦
于以盛之維筐及筥于以湘之維錡及釜
于以奠之宗室牖下誰其尸之有齊季女

采蘋三章章四句

蔽芾甘棠勿剪勿伐召伯所茇
蔽芾甘棠勿剪勿敗召伯所憩
蔽芾甘棠勿剪勿拜召伯所說

甘棠三章章三句

厭浥行露豈不夙夜謂行多露○誰謂雀無角
何以穿我屋誰謂女無家何以速我獄雖速我
獄室家不足○誰謂鼠無牙何以穿我墉誰謂
女無家何以速我訟雖速我訟亦不女從

行露三章一章二句二章章六句

羔羊之皮素絲五紵退食自公委蛇委蛇
羔羊之革素絲五緘委蛇委蛇自公退食

羔羊之縫素絲五總委蛇委蛇退食自公

羔羊三章章四句

殷其雷在南山之陽何斯違斯莫敢或違振振
君子歸哉歸哉○殷其雷在南山之側何斯違
斯莫敢違息振振君子歸哉歸哉○殷其雷在
南山之下何斯違斯莫或違處振振君子歸哉
歸哉

殷其雷三章章六句

標有梅其實七兮求我庶士迨其吉兮
標有梅其實三兮求我庶士迨其今兮
標有梅項筐堅之求我庶士迨其謂之

標有梅三章章四句

嘒彼小星三五在東肅肅宵征夙夜在公寔命
不同○嘒彼小星維參與昴肅肅宵征抱衾與
綯寔命不猶

小星二章章五句

江有汜之子歸不我以不我以其後也悔
江有渚之子歸不我與不我與其後也處
江有沱之子歸不我過不我過其嘯也歌

江有汜三章章五句

野有死麕白茅包之有女懷春吉士誘之
林有樸檉野有死鹿白茅純束有女如玉
舒而脫脫兮無感我悅兮無使尤也伏

野有死麕三章二章章四句一章三句

何彼穠矣唐棣之華曷不謂之王姬之車
何彼穠矣華如桃李平王之孫齊侯之子
其釣維何維絲伊緝齊侯之子平王之孫

何彼穠矣三章章四句

彼茁者葭壹發五豝于嗟乎騶虞○彼茁者蓬
壹發五豮于嗟乎騶虞

騶虞二章章二句

召南之國十四篇四十章百七十七句

邶一之三

汎彼柏舟。亦汎其流。耿耿不寐。如有隱憂。微我
無酒。以教以遊。○我心匪鑿。不可以茹。亦有兄
弟。不可以據。薄言往愬。逢彼之怒。○我心匪石。
不可轉也。我心匪席。不可卷也。威儀棣棣。不可
選也。○憂心悄悄。愠于羣小。覲閔既多。受侮不
少。靜言思之。寤辟有標。○日居月諸。胡迭而微。
心之憂矣。如匪澣衣。靜言思之。不能奮飛。

柏舟五章章六句

綠兮衣兮。綠衣黃裏。心之憂矣。曷維其已。
綠兮衣兮。綠衣黃裳。心之憂矣。曷維其亡。
綠兮絲兮。女所治兮。我思古人。俾無訛兮。
緜兮緜兮。淒其以風。我思古人。實獲我心。

綠衣四章章四句

燕燕于飛。差池其羽。之子于歸。遠送于野。瞻望
弗及。泣涕如雨。○燕燕于飛。頡之頡之。之子于

歸遠于將之瞻望弗及佇立以泣○燕燕于飛
下上其音之子于歸遠送于南瞻望弗及實勞
我心○仲氏任只其心塞淵終溫且惠淑慎其
身先君之思以勗寡人

燕燕四章章六句

日居月諸照臨下土乃如之人兮逝不古處胡
能有定寧不我顧○日居月諸下土是冒乃如
之人兮逝不相好胡能有定寧不我報○日居
月諸出自東方乃如之人兮德音無良胡能有
定俾也可忘○日居月諸東方自出父兮母兮
畜我不卒胡能有定報我不述

日月四章章六句

終風且暴顧我則笑謔浪笑敖中心是悼
終風且霾惠然肯來莫往莫來悠悠我思
終風且曠不日有曠寤言不寐願言則嚏
曠曠其陰虺虺其雷寤言不寐願言則懷

終風四章章四句

擊鼓其鏜。踊躍用兵。土國城漕。我獨南行。
從孫子仲。平陳與宋。不我以歸。憂心有忡。
喪居爰處。爰喪其馬。于以求之。于林之下。
死生契闊。與子成說。執子之手。與子偕老。
于嗟闊兮。不我活兮。于嗟洵兮。不我信兮。

擊鼓五章章四句

凱風自南。吹彼棘心。棘心夭夭。母氏劬勞。
凱風自南。吹彼棘薪。母氏聖善。我無令人。
爰有寒泉。在浚之下。有子七人。母氏勞苦。
覯皖黃鳥。載好其音。有子七人。莫慰母心。

凱風四章章四句

雄雉于飛。泄泄其羽。我之懷矣。自詒伊阻。
雄雉于飛。下上其音。展矣君子。實勞我心。
瞻彼日月。悠悠我思。道之云遠。曷云能來。
百爾君子。不知德行。不忮不求。何用不臧。

雄雉四章章四句

匏有苦葉濟有深涉深則厲淺則揭○有彌濟
盈有鷺雉鳴濟盈不濡軌雉鳴求其牡○雝雝
鳴鴈旭日始旦士如歸妻迨冰未泮○招招舟
子人涉卬否人涉卬否卬須我友

匏有苦葉四章章四句

習習谷風以陰以雨黽勉同心不宜有怒采芣
采菲無以下體德音莫違及爾同炊○行道遲
遲中心有違不遠伊邇薄送我畿誰謂荼苦其
甘如薺宴爾新昏如兄如弟○涇以渭濁湜湜
其止宴爾新昏不我屑以毋逝我梁毋發我笱
我躬不閱遑恤我後○就其深矣方之舟之就
其淺矣泳之游之何有何亡黽勉求之凡民有
恻匍匐救之○不我能愔反以我爲讎既阻我
德賈用不售昔育愁育鞠及爾顛覆既生既育
比予于毒○我有旨蓄亦以御冬宴爾新昏以

我御窮有恍有潰既詒我肄不念昔者得余來
暨

谷風六章章八句

式微式微胡不歸微君之故胡為乎中露
式微式微胡不歸微君之躬胡為乎泥中

式微二章章四句

旄丘之葛兮何誕之節兮叔兮伯兮何多日也
何其處也必有與也何其久也必有以也
狐裘蒙戎匪車不東叔兮伯兮靡所與同
瑣兮尾兮流離之子叔兮伯兮曷如充耳

旄丘四章章四句

簡兮簡兮方將萬舞日之方中在前上處
碩人俣俣公庭萬舞有力如虎執轡如組
左手執籥右手秉翟赫如渥赭公言錫爵
山有榛隰有苓云誰之思西方美人彼美人兮
西方之人兮

簡兮四章二章章四句一章六句

恣彼泉水亦流于淇有懷于衛靡日不思爰彼
諸姬聊與之謀○出宿于沛飲餞于禰女子有
行遠父母兄弟問我諸姑遂及伯姊○出宿于
干飲餞于言載脂載膏還車言邁迺臻于衛不
瑕有害○我思肥泉茲之永歎思須與漕我心
悠悠駕言出遊以寫我憂

泉水四章章六句

出自北門憂心殷殷終窶且貧莫知我艱已焉
哉天實爲之謂之何哉○王事適我政事一埤
益我我入自外室人交徧謫我已焉哉天實爲
之謂之何哉○王事敦我政事一埤遺我我入
自外室人交徧摧我已焉哉天實爲之謂之何
哉

北門三章章七句

北風其涼雨雪其雩惠而好我攜手同行其虛

其邪既亟只且○北風其喑雨雪其霏惠而好
我攜手同歸其虛其邪既亟只且○莫赤匪狐
莫黑匪烏惠而好我攜手同車其虛其邪既亟
只且

北風三章章六句

靜女其姝俟我於城隅愛而不見搔首踟躕
靜女其嬈貽我彤管彤管有煒說懌女美
自牧歸荑洵美且異匪女之為美美人之貽

靜女三章章四句

新臺有泚河水彌彌燕婉之求蘧條不鮮
新臺有洒河水浼浼燕婉之求蘧條不殄
魚網之設鴻則離之燕婉之求得此戚施

新臺三章章四句

二子乘舟汎汎其景願言思子中心養養
二子乘舟汎汎其逝願言思子不瑕有害
二子乘舟二章章四句

邶十九篇七十二章二百六十三句

鄘一之四

汎彼柏舟在彼中河鬢彼兩髦實維我儀之歿
矢靡他母也天只不諒人只○汎彼柏舟在彼
河側鬢彼兩髦實維我特之歿矢靡慝母也天
只不諒人只

柏舟二章章七句

牆有茨不可掃也中冓之言不可道也所可道
也言之醜也○牆有茨不可襄也中冓之言不
可詳也所可詳也言之長也○牆有茨不可束
也中冓之言不可讀也所可讀也言之辱也

牆有茨三章章六句

君子偕老副笄六珈委委佗佗如山如何象服
是宜子之不淑云如之何○玼兮玼兮其之翟
也鬢髮如雲不屑鬢也玉之瑱也象之拂也揚
且之皙也胡然而天也胡然而帝也○瑳兮瑳

今其之展也蒙彼縵締是繼袞也子之清揚揚且之顏也展如之人兮邦之媛也

君子偕老三章一章七句一章九句

一章八句

采采唐矣沫之鄉矣云誰之思美孟姜矣期我乎桑中要我乎上宮送我乎淇之上矣

采采麥矣沫之北矣云誰之思美孟弋矣期我乎桑中要我乎上宮送我乎淇之上矣

采采薊矣沫之東矣云誰之思美孟庸矣期我乎桑中要我乎上宮送我乎淇之上矣

桑中三章章七句

鶉之奔奔鶉之疆疆人之無良我以為兄鶉之疆疆鶉之奔奔人之無良我以為君

鶉之奔奔二章章四句

定之方中作于楚宮揆之以日作于楚室樹之榛栗椅桐梓漆爰伐琴瑟○升彼虛矣以望楚

矣望楚與堂景山與京降觀于桑卜云其吉終
焉允臧○靈雨既零命彼倌人星言夙駕說于
桑田匪直也人秉心塞淵騅牝三千

定之方中三章章七句

蝮蝮在東莫之設指女子有行遠父母兄弟
朝濟于西宗朝其兩女子有行遠兄弟父母
乃如之人也懷昏姻也大無信也不知命也

蝮蝮三章章四句

相鼠有皮人而無儀人而無儀不歿何爲
相鼠有齒人而無止人而無止不歿何俟
相鼠有體人而無禮人而無禮胡不遄歿

相鼠三章章四句

予予干旄在浚之郊素絲紕之良馬四之彼姝
者子何以畀之

予予干旂在浚之都素絲組之良馬五之彼姝
者子何以予之

地

子子千旌在浚之城素絲祝之良馬六之彼姝者子何以告之

千旌二章章六句

載馳載驅歸唁衛侯驅馬悠悠言至於漕大夫
跋涉我心則憂○既不我嘉不能旋反視爾不
臧我思不遠既不我嘉不能旋濟視爾不臧我
思不悶○涉彼阿丘言采其蟲女子善懷亦各
有行許人尤之衆穉且狂○我行其野芘芘其
麥控于大邦誰因誰極大夫君子無我有尤百
爾所思不如我所之

載馳四章二章章六句二章章八句

鄘國十篇二十九章百七十六句

衛一之五

瞻彼淇奧綠竹猗猗有匪君子如切如磋如琢
如磨瑟兮擘兮赫兮咺兮有匪君子終不可諼
兮○瞻彼淇奧綠竹青青有匪君子充耳琇瑩

如箕錫
昔

會弁如星。瑟兮僖兮。赫兮咺兮。有匪君子。終不
可諉兮。○瞻彼淇奧。綠竹如簣。有匪君子。如金
如錫。如圭如璧。寬兮綽兮。猗重較兮。善戲謔兮。
不為虐兮。

淇奧三章章九句

考槃在澗。碩人之寬。獨寐寤言。永矢弗諉。
考槃在阿。碩人之適。獨寐寤歌。永矢弗過。
考槃在陸。碩人之軸。獨寐寤宿。永矢弗告。

考槃三章章四句

碩人其頤。衣錦褱衣。齊侯之子。衛侯之妻。東宮
之妹。邢侯之姨。譚公維私。○手如柔荑。膚如凝
脂。領如蝤蛴。齒如瓠犀。螓首蛾眉。巧笑倩兮。美
目盼兮。○碩人敖敖。說于農郊。四牡有騶。朱幘
鑣鑣。翟茀以朝。大夫夙退。無使君勞。○河水洋洋
北流活活。施罟濊濊。鱸鮪發發。葭葦揭揭。庶
姜孽孽。庶士有暵。

詩上

詩上

碩人四章章七句

氓之蚩蚩抱布貿絲匪來貿絲來即我謀送子
涉淇至于頓丘匪我愆期子無良媒將子無怒
秋以為期○乘彼坳垣以望復關不見復關泣
涕漣漣既見復關載笑載言爾卜爾筮體無咎
言以爾車來以我賄遷○桑之未落其葉沃若
于嗟鳩兮無食桑甚于嗟女兮無與士耽士之
耽兮猶可說也女之耽兮不可說也○桑之落
矣其黃而隕自我徂爾三歲食貧淇水湯湯漸
車帷裳女也不爽士貳其行士也罔極二三其
德○三歲為婦靡室勞矣夙興夜寐靡有朝矣
言既遂矣至于暴矣兄弟不知啞其笑矣靜言
思之躬自悼矣○及爾偕老老使我怨淇則有
岸隰則有泮總角之宴言笑晏晏信誓旦旦不
思其反反是不思亦已焉哉

氓六章章十句

籊籊竹竿以釣于淇豈不爾思遠莫致之
泉源在左淇水在右女子有行遠父母兄弟
淇水在右泉源在左巧笑瑳佩玉之儺
淇水悠悠檜楫松舟駕言出遊以寫我憂

竹竿四章章四句

芄蘭之支童子佩觿雖則佩觿能不我知容兮
遂兮垂帶悸兮○芄蘭之葉童子佩鞶雖則佩
鞶能不我甲容兮遂兮垂帶悸兮

芄蘭二章章六句

誰謂河廣一葦杭之誰謂宋遠跋予望之
誰謂河廣曾不容刀誰謂宋遠曾不崇朝

河廣二章章四句

伯兮揭兮邦之桀兮伯也執殳為王前驅
自伯之東首如飛蓬豈無膏沐誰適為容
其雨其雨杲杲出日願言思伯甘心晉疾
焉得諛艸言樹之背願言思伯使我心痲

伯兮四章章四句

有狐綏綏在彼淇梁心之憂矣之子無裳
有狐綏綏在彼淇厲心之憂矣之子無帶
有狐綏綏在彼淇側心之憂矣之子無服

有狐三章章四句

投我以木瓜報之以瓊琚匪報也永以為好也

○投我以木桃報之以瓊瑤匪報也永以為好也

也○投我以木李報之以瓊玖匪報也永以為好也

好也

木瓜三章章四句

衛國十篇三十四章二百三句

王之一之六

彼黍離離彼稷之苗行邁靡靡中心搖搖知我者謂我心憂不知我者謂我何求悠悠蒼天此何人哉○彼黍離離彼稷之穗行邁靡靡中心如醉知我者謂我心憂不知我者謂我何求悠

悠蒼天此何人哉○彼黍離離彼稷之實行邁
靡靡中心如噎知我者謂我心憂不知我者謂
我何求悠悠蒼天此何人哉

黍離二章章十句

君子于役不知其期曷至哉雞棲于塙日之夕
矣羊牛下來君子于役如之何勿思○君子于
役不日不月曷其有佸雞棲于桀日之夕矣牛
羊下括君子于役苟無飢渴

君子于役二章章八句

君子陽陽左執篲右招我由房其樂只且
君子陶陶左執翿右招我由敖其樂只且

君子陽陽二章章四句

揚之水不流束薪彼其之子不與我戍甫懷哉
懷哉曷月予還歸哉○揚之水不流束楚彼其
之子不與我戍甫懷哉懷哉曷月予還歸哉○
揚之水不流束蒲彼其之子不與我戍許懷哉

懷哉曷月予還歸哉

揚之水三章章六句

中谷有蕓。嘆其乾矣。有女叱離。嘒其嘆矣。嘒其嘆矣。遇人之艱難矣。○中谷有蕓。嘆其脩矣。有女叱離。條其獻矣。遇人之不淑矣。○中谷有蕓。嘆其溼矣。有女叱離。啜其泣矣。啜其泣矣。何嗟及矣。

中谷有蕓三章章六句

有兔爰爰。雉離于羅。我生之初。尚無爲我生之後。逢此百罹。尚寐無吽。○有兔爰爰。雉離于罟。我生之初。尚無造我生之後。逢此百憂。尚寐無覺。○有兔爰爰。雉離于罟。我生之初。尚無庸我生之後。逢此百凶。尚寐無聰。

兔爰三章章七句

縣縣葛藟。在河之滸。終遠兄弟。謂他人父。謂他人父。亦莫我顧。○縣縣葛藟。在河之涘。終遠兄弟。

弟謂他人母謂他人母亦莫我有○
縣縣葛藟
在河之漘終遠兄弟謂他人昆謂他人昆亦莫
我聞

葛藟三章章六句

彼采葛兮一日不見如三月兮○
彼采蕭兮一日不見如三秋兮○
彼采艾兮一日不見如三歲兮

采芣三章章三句

大車檻檻毳衣如裳豈不爾思畏子不設
大車噶噶毳衣如璩豈不爾思畏子不奔
穀則異室歟則同穴謂予不信有如皦日

大車三章章四句

丘中有麻彼留子嗟彼留子嗟將其來施施
丘中有麥彼留子國彼留子國將其來食
丘中有李彼留之子彼留之子貽我佩玖

丘中有麻三章章四句

王國十篇二十八章百六十二句

鄭一之七

緇衣之宜兮。敝予又改為兮。適子之館兮。還予授子之粢兮。
○緇衣之好兮。敝予又改造兮。適子之館兮。還予授子之粢兮。
○緇衣之蓆兮。敝予又改作兮。適子之館兮。還予授子之粢兮。

緇衣三章章四句

將仲子兮。無踰我里。無折我樹杞。豈敢愛之。畏我父母。仲可懷也。父母之言。亦可畏也。

將仲子兮。無踰我牆。無折我樹桑。豈敢愛之。畏我諸兄。仲可懷也。諸兄之言。亦可畏也。

將仲子兮。無踰我園。無折我樹檀。豈敢愛之。畏人之多言。仲可懷也。人之多言。亦可畏也。

將仲子三章章八句

叔于田。巷無居人。豈無居人。不如叔也。洵美且仁。
○叔于狩。巷無飲酒。豈無飲酒。不如叔也。洵

美且好。○叔適野巷無服馬豈無服馬不如叔也。洵美且武。

叔于田三章章五句

叔于田。乘乘馬。執轡如組。兩駮如舞。叔在藪。火烈且舉。禮視暴虎。獻于公所。將叔無狃。戒其傷女。○叔于田。乘乘黃。兩服上襄。兩駮鴈行。叔在藪。火烈且揚。叔善射忌。又良御忌。抑磬控忌。抑縱送忌。○叔于田。乘乘鴉。兩服齊首。兩駮如手。叔在藪。火烈且阜。叔馬慢忌。叔發罕忌。抑釋柙忌。抑營弓忌。

大叔于田三章章十句

清人在彭。駟介芻芻。二矛重英。河上乎翱翔。清人在消。駟介麋麋。二矛重喬。河上乎逍遙。清人在軸。駟介陶陶。左旋右抽。中軍作好。

清人三章章四句

羔裘如濡。洵直且侯。彼其之子。舍命不渝。

羔裘豹飾。孔武有力。彼其之子。邦之司直。
羔裘晏兮。三英粲兮。彼其之子。邦之彥兮。

羔裘三章章四句

遵大路兮。摻執子之祛兮。無我惡兮。不寔故也。

○遵大路兮。摻執子之手兮。無我醜兮。不寔好也。

遵大路二章章四句

女曰雞鳴。士曰昧旦。子興視夜。明星有爛。將翱

將翔。弋鳧與鴈。○弋言加之。與子宜之。宜言飲酒。與子偕老。琴瑟在御。莫不靜好。○知子之來之。雜佩以贈之。知子之順之。雜佩以問之。知子之好之。雜佩以報之。

女曰雞鳴三章章六句

有女同車。顏如舜華。將翱將翔。佩玉瓊瑤。彼美孟姜。洵美且都。○有女同行。顏如舜英。將翱將翔。佩玉將將。彼美孟姜。德音不忘。

有女同車二章章六句

山有扶蘇隰有荷華不見子都乃見狂且
山有喬松隰有游龍不見子充乃見狡童

山有扶蘇二章章四句

摯兮摯兮風其吹女叔兮伯兮倡予和女

摯兮摯兮風其漂女叔兮伯兮倡予要女

摯兮二章章四句

彼狡童兮不與我言兮維予之故使我不能餐
兮彼狡童兮不與我食兮維予之故使我不
能息兮

狡童二章章四句

子惠思我褰裳涉溱子不我思豈無他人狂童
之狂也且○子惠思我褰裳涉洧子不我思豈
無他士狂童之狂也且

褰裳二章章五句

子之丰兮侯我乎巷兮悔予不送兮

子之昌兮。俟我乎堂兮。悔予不將兮。

衣錦娶衣。裳錦娶裳。叔兮伯兮。駕予與行。

裳錦娶裳。衣錦娶衣。叔兮伯兮。駕予與歸。

丰四章一章章三句二章章四句

東門之墀。茹蘆在阪。其室則邇。其人甚遠。

東門之栗。有踐家室。豈不爾思。子不我卽。

東門之墀二章章四句

風雨淒淒。雞鳴喈喈。既見君子。云胡不夷。

風雨瀟瀟。雞鳴膠膠。既見君子。云胡不瘳。

風雨如晦。雞鳴不已。既見君子。云胡不喜。

風雨三章章四句

青青子衿。悠悠我心。縱我不往。子寧不嗣音。

青青子佩。悠悠我思。縱我不往。子寧不來。

挑兮達兮。在城闕兮。一日不見。如三月兮。

子衿三章章四句

揚之水。不流束楚。終鮮兄弟。維予與女。無信人。

之言人實廷女。○揚之水不流束薪。終鮮兄弟。維予二人。無信人之言。人實不信。

揚之水二章章六句

出其東門。有女如雲。雖則如雲。匪我思存。縞衣綦巾。聊樂我員。

出其閨闈。有女如荼。雖則如荼。匪我思且。縞衣茹蘆。聊可與娛。

出其東門二章章六句

野有蔓州。零露漙漙。兮有美一人。清揚婉兮。邂逅相遇。適我願兮。○野有蔓州。零露瀼瀼。有美一人。婉如清揚。邂逅相遇。與予偕臧。

野有蔓州二章章六句

溱與洧。方渙渙兮。士與女方秉簡兮。女曰觀乎。士曰既且。且往觀乎。洧之外。洵訏且樂。維士與女。伊其相謔。贈之以勺藥。○溱與洧。瀏其清矣。士與女。殷其盈矣。女曰觀乎。士曰既且。且往觀。

乎。洧之外，洵訏且樂。維士與女，伊其將謔。贈之以勺藥。

溱洧二章章十二句

鄭國二十一篇五十三章二百八十三句

齊一之八

雞既鳴矣，朝既盈矣。匪雞則鳴，蒼蠅之聲。

東方明矣，朝既昌矣。匪東方則明，月出之光。

蟲飛薨薨，甘與子同夢。會且歸矣，無庶予子憎。

雞鳴三章章四句

子之還兮，遭我乎狝之間兮。並驅從兩肩兮，揖

我謂我儂兮。○子之茂兮，遭我乎狝之道兮。並

驅從兩牡兮，揖我謂我好兮。○子之昌兮，遭我

乎狝之陽兮。並驅從兩狼兮，揖我謂我臧兮。

還三章章四句

俟我於著乎，而充耳以素乎。而尚之以瓊華乎。

而○俟我於庭乎而充耳以青乎而尚之以瓊
瑩乎而○俟我於堂乎而充耳以黃乎而尚之
以瓊英乎而

著三章章三句

東方之日兮彼姝者子在我室兮在我室兮履
我卽兮○東方之月兮彼姝者子在我闈兮在
我闈兮履我發兮

東方之日二章章五句

東方未明顛倒衣裳顛之倒之自公召之
東方未晞顛倒裳衣倒之顛之自公令之
折柳樊圃狂夫瞿瞿不能晨夜不夙則莫

東方未明三章章四句

南山崔崔雄狐綏綏魯道有蕩齊子由歸既曰
歸止曷又懷止○葛屨五兩冠綏雙止魯道有
蕩齊子庸止既曰庸止曷又從止○藝麻如之
何衡從其畝取妻如之何必告父母既曰告止

曷又鞠止○折薪如之何匪斧不克取妻如之
何匪媒不得既曰得止曷又極止

南山四章章六句

無田甫田維莠騫騫無思遠人勞心忉忉
無田甫田維莠桀桀無思遠人勞心怛怛
婉兮變兮總角壯兮未幾見兮突而弁兮

甫田三章章四句

盧令令其人美且仁○盧重環其人美且鬢○
盧重鋂其人美且偲

盧令三章章二句

敝笱在梁其魚魴鰈齊子歸止其從如雲
敝笱在梁其魚魴鱣齊子歸止其從如雨
敝笱在梁其魚唯唯齊子歸止其從如水

敝笱三章章四句

載驅薄薄簟茀朱鞞魯道有蕩齊子發夕
四驪濟濟垂轡泠泠魯道有蕩齊子豈弟

汶水湯湯行人彭彭魯道有蕩齊子翱翔
汶水滔滔行人儻儻魯道有蕩齊子遊教

載驅四章章四句

猗嗟昌兮頎而長兮抑若揚兮美目揚兮巧趨
踰兮射則臧兮○猗嗟名兮美目清兮儀既成
兮終日射侯不出正兮展我甥兮○猗嗟變兮
清揚婉兮舞則選兮射則貫兮四矢反兮以禦
亂兮

猗嗟三章章六句

齊國十一篇二十四章一百四十三句

魏一之九

糾糾葛屨可以履霜摻摻女手可以縫裳要之
襪之好人服之○好人提提宛然左辟佩其象
揅維是褊心是以爲刺

葛屨二章一章六句一章五句

彼汾沮洳言采其莫彼其之子美無度美無度

殊異乎公路○彼汾一方言采其桑彼其之子
美如英美如英殊異乎公行○彼汾一曲言采
其蕢彼其之子美如玉美如玉殊異乎公族

汾沮洳三章章六句

園有桃其實之斂心之憂矣我歌且謠不知我
者謂我士也驕彼人是哉子曰何其心之憂矣
其誰知之其誰知之蓋亦勿思○園有棘其實
之食心之憂矣聊以行國不知我者謂我士也
罔極彼人是哉子曰何其心之憂矣其誰知之
其誰知之蓋亦勿思

園有桃二章章十二句

陟彼岵兮瞻望父兮父曰嗟予子行役夙夜無
已上慎旃哉猶來無止○陟彼屺兮瞻望母兮
母曰嗟予季行役夙夜無寐上慎旃哉猶來無
棄○陟彼岡兮瞻望兄兮兄曰嗟予弟行役夙
夜必偕上慎旃哉猶來無歎

陟岵三章章六句

十畝之間兮桑者閑閑兮行與子還兮
十畝之外兮桑者泄泄兮行與子逝兮

十畝之間二章章三句

坎坎伐檀兮寘之河之干兮河水清且漣漪不
稼不穡胡取禾三百廛兮不狩不獵胡瞻爾庭
有縣貍兮彼君子兮不素餐兮○坎坎伐輻兮

寘之河之側兮河水清且直猗不稼不穡胡取
禾三百億兮不狩不獵胡瞻爾庭有縣特兮彼
君子兮不素食兮○坎坎伐輪兮寘之河之涘
兮河水清且淪猗不稼不穡胡取禾三百困兮
不狩不獵胡瞻爾庭有縣鶉兮彼君子兮不素
殮兮

伐檀三章章九句

碩鼠碩鼠無食我黍三歲貫女莫我肯顧逝將
去女適彼樂土樂土樂土爰得我所○碩鼠碩

鼠無食我麥。三歲貫女莫我育。德逝將太女適。彼樂國樂國。樂國愛得我直。碩鼠碩鼠。無食我苗。三歲貫女莫我育。勞逝將太女適。彼樂郊。樂郊誰之永號。

碩鼠三章章八句

魏國七篇十八章一百二十八句

唐一之十

蟋蟀在堂。歲聿其莫。今我不樂。日月其除。無已。大康職思其居。好樂無荒。良士翼翼。蟋蟀在堂。歲聿其逝。今我不樂。日月其邁。無已。大康職思其外。好樂無荒。良士蹶蹶。蟋蟀在堂。役車其休。今我不樂。日月其慆。無已。大康職思其憂。好樂無荒。良士休休。

蟋蟀三章章八句

山有樞。隰有榆。子有衣裳。弗曳弗縵。子有車馬。弗馳弗驅。宛其死矣。他人是愉。山有栲。隰有

衽子有廷內弗洒弗埽子有鐘鼓弗鼓弗考宛
其死矣他人是保○山有漆隰有栗子有酒食
何不日鼓瑟且以喜樂且以永日宛其死矣他
人入室

山有樞三章章八句

揚之水白石鑿鑿素衣朱裸從子于沃既見君
子云何不樂○揚之水白石皓皓素衣朱繡從
子于鵠既見君子云何其憂○揚之水白石粼
粼我聞有命不敢以告人

揚之水三章二章章六句一章四句

椒聊之實蕃衍盈升彼其之子碩大無朋椒聊
且遠條且○椒聊之實蕃衍盈匊彼其之子碩
大且篤椒聊且遠條且

椒聊二章章六句

綢繆束薪三星在天今夕何夕見此良人子兮
子兮如此良人何○綢繆束芻三星在隅今夕

何夕見此邂逅子兮子兮如此邂逅何○綢繆
東楚三星在戶今夕何夕見此祭者子兮子兮
如此祭者何

綢繆三章章六句

有秋之杜其葉湑湑獨行踽踽豈無他人不如
我同父嗟行之人胡不比焉人無兄弟胡不伏
焉○有秋之杜其葉菁菁獨行戔戔豈無他人
不如我同姓嗟行之人胡不比焉人無兄弟胡
不伏焉

秋杜二章章九句

羔裘豹袂自我人居居豈無他人維予之故
羔裘豹褻自我人究究豈無他人維予之好
羔裘二章章四句

肅肅鴉羽集于苞栩王事靡盬不能藝稷黍父
母何怙悠悠蒼天曷其有所○肅肅鴉翼集于
苞棘王事靡盬不能藝黍稷父母何食悠悠蒼

天曷其有極○肅肅鴉行集于苞桑王事靡盬
不能藝稻梁父母何嘗悠悠蒼天曷其有常

鴉羽三章章七句

豈曰無衣七兮不如子之衣安且吉兮

豈曰無衣六兮不如子之衣安且燠兮

無衣二章章三句

有杕之杜生于道左彼君子兮噬肯適我中心

好之曷飲食之○有杕之杜生于道周彼君子

兮噬肯來遊中心好之曷飲食之

有杕之杜二章章六句

葛生蒙楚歛蔓于野予美亡此誰與獨處

葛生蒙棘歛蔓于域予美亡此誰與獨息

角枕粲兮錦衾爛兮予美亡此誰與獨且

夏之日冬之夜百歲之後歸于其居

冬之夜夏之日百歲之後歸于其室

葛生五章章四句

采芩采芩首陽之巔人之爲言苟亦無信舍旃
舍旃苟亦無然人之爲言胡得焉○采芩采芩
首陽之下人之爲言苟亦無與舍旃舍旃苟亦
無然人之爲言胡得焉○采葑采葑首陽之東
人之爲言苟亦無從舍旃舍旃苟亦無然人之
爲言胡得焉

采芩三章章八句

唐國十一篇三十三章二百三句

秦一之十一

有車鄰鄰有馬白顛未見君子寺人之令○阪
有漆隈有栗既見君子竝坐鼓瑟今者不樂逝
者其耄○阪有桑隈有楊既見君子竝坐鼓簧
今者不樂逝者其亡

車鄰三章一章四句二章章六句

駟驥孔阜六轡在手公之媚子從公于狩
奉時辰牡辰牡孔碩公曰左之舍拔則獲

遊于北園四馬既閑輔車鸞鑣載檢歇驕

駟驥三章章四句

小戎倭收五檠梁駟游環脇驅陰鞞塗續文茵

暢載駕我騏驎言念君子溫其如玉在其版屋

亂我心曲○四牡孔阜六轡在手騏驎是中駟

驪是駟龍盾之合鑿以釐駟言念君子溫其在

邑方何為期胡然我念之○倭駟孔羣公示塗

篳蒙伐有苑虎韞鏤膺交韞二弓竹閉緹勝言

念君子載寢載興厭厭良人秩秩德音

小戎三章章十句

蒹葭蒼蒼白露為霜所謂伊人在水一方溯洄

從之道阻且長溯游從之宛在水中央

蒹葭淒淒白露未晞所謂伊人在水之湄溯洄

從之道阻且躋溯游從之宛在水中坻

蒹葭采采白露未已所謂伊人在水之涘溯洄

從之道阻且右溯游從之宛在水中沚

蒹葭三章章八句

終南何有有條有梅君子至止錦衣狐裘顏如
渥丹其君也哉○終南何有有紀有堂君子至
止黻衣繡裳佩玉將將壽考不忘

終南二章章六句

交交黃鳥止于棘誰從穆公子車奄息維此奄
息百夫之特臨其穴惴惴其慄彼蒼者天殲我
良人如可贖兮人百其身○交交黃鳥止于桑

誰從穆公子車仲行維此仲行百夫之防臨其
穴惴惴其慄彼蒼者天殲我良人如可贖兮人
百其身○交交黃鳥止于楚誰從穆公子車鍼
虎維此鍼虎百夫之禦臨其穴惴惴其慄彼蒼
者天殲我良人如可贖兮人百其身

黃鳥三章章十二句

歎彼晨風鬱彼北林未見君子憂心欽欽如何
如何忘我實多○山有苞櫟隈有六駉未見君

子憂心靡樂如何如何忘我實多○山有苞棣
隰有樹檉未見君子憂心如醉如何如何忘我
實多

晨風三章章六句

豈曰無衣與子同袍王于興師脩我戈矛與子
同仇○豈曰無衣與子同澤王于興師脩我矛
戟與子偕作○豈曰無衣與子同裳王于興師
脩我甲兵與子偕行

無衣三章章五句

我送舅氏曰至渭陽何以贈之路車乘黃
我送舅氏悠悠我思何以贈之瓊瑰玉珮

渭陽二章章四句

於我乎夏屋渠渠今也每食無餘于嗟乎不承
權輿○於我乎每食四簋今也每食不飽于嗟
乎不承權輿

權輿二章章五句

秦國十篇二十七章一百八十一句

陳一之十二

子之湯兮宛丘之上兮洵有情兮而無望兮

坎其擊鼓宛丘之下無冬無夏值其鷺羽

坎其擊缶宛丘之道無冬無夏值其鷺翮

宛丘三章章四句

東門之枌宛丘之栩子仲之子婆娑其下

穀且于差南方之原不績其麻市也婆娑

穀且于逝越以駸邁視爾如敢貽我握椒

東門之枌三章章四句

衡門之下可以棲遲泌之洋洋可以樂飢

豈其食魚必河之魴豈其取妻必齊之姜

豈其食魚必河之鯉豈其取妻必宋之子

衡門三章章四句

東門之池可以漚麻彼美淑姬可與晤歌

東門之池可以漚紵彼美淑姬可與晤語

東門之池可以漚菅彼美淑姬可與晤言

東門之池三章章四句

東門之楊其葉牂牂昏以為期明星煌煌

東門之楊其葉肺肺昏以為期明星晷晷

東門之楊三章章四句

墓門有棘斧以斯之夫也不良國人知之知而
不已誰昔然矣○墓門有梅有鴉萃止夫也不
良歌以訊之訊予不顧顛倒思予

墓門三章章六句

防有鵲巢邛有旨苕誰俯予美心焉忉忉
中唐有甓邛有旨鷓誰俯予美心焉惕惕

防有鵲巢三章章四句

月出皎兮佼人僚兮舒窈窕兮勞心悄兮
月出皓兮佼人慍兮舒憂受兮勞心慄兮
月出照兮佼人燎兮舒夭紹兮勞心慘兮

月出三章章四句

胡爲乎株林。從夏南匪適。株林從夏南。
駕我乘馬。說于株野。乘我乘駒。朝食于株。

株林二章章四句

彼澤之陂。有蒲與荷。有美一人。傷如之何。寤寐無爲。涕泗沔沔。○彼澤之陂。有蒲與藺。有美一人。碩大且卷。寤寐無爲。中心悁悁。○彼澤之陂。有蒲菡萏。有美一人。碩大且儼。寤寐無爲。輾轉伏枕。

澤陂三章章六句

陳國十篇二十六章一百二十四句

檜一之十三

羔裘逍遙。狐裘以朝。豈不爾思。勞心忉忉。
羔裘翩翩。狐裘在堂。豈不爾思。我心憂傷。
羔裘如膏。日出有耀。豈不爾思。中心是悼。

羔裘三章章四句

庶見素冠兮。棘人欒欒兮。勞心博博兮。

庶見素衣兮我心傷悲兮聊與子同歸兮
庶見素韞兮我心蘊結兮聊與子如一兮

素冠三章章三句

隰有萋楚猗薺其枝天之沃沃樂子之無知
隰有萋楚猗薺其華天之沃沃樂子之無家
隰有萋楚猗薺其實天之沃沃樂子之無室

隰有萋楚三章章四句

匪風發兮匪車偈兮顧瞻周道中心沮兮

匪風飄兮匪車嘒兮顧瞻周道中心弔兮
誰能亨魚漑之金鵝誰將西歸懷之好音

匪風三章章四句

檜國四篇十一二章四十五句

曹一之十四

蜉蝣之羽衣裳楚楚心之憂矣於我歸處
蜉蝣之翼采采衣服心之憂矣於我歸息
蜉蝣掘閱麻衣如雪心之憂矣於我歸說

校
音
帶

蟋蟀三章章四句

彼候人兮何戈與祋彼其之子三百赤芾

維鷦在梁不濡其翼彼其之子不稱其服

維鷦在梁不濡其味彼其之子不遂其媾

薈兮蔚兮南山朝濟婉兮變兮季女斯飢

候人四章章四句

鳴鳩在桑其子七兮淑人君子其儀一兮其儀

一兮心如結兮○鳴鳩在桑其子在梅淑人君

子其帶伊絲其帶伊絲其弁伊騏○鳴鳩在桑

其子在棘淑人君子其儀不忒其儀不忒正是

四國○鳴鳩在桑其子在榛淑人君子正是國

人正是國人胡不萬年

鳴鳩四章章六句

冽彼下泉浸彼苞稂懷我寤嘆念彼周京

冽彼下泉浸彼苞蕭懷我寤嘆念彼京周

冽彼下泉浸彼苞著懷我寤嘆念彼京師

芄芄黍苗陰雨膏之四國有王郁伯勞之

下泉四章章四句

曹國四篇十五章六十八句

豳一之十五

七月流火九月授衣一之日甯發二之日栗烈
無衣無褐何以卒歲三之日于耜四之日舉趾
同我婦子饁彼南畝田畯至喜○七月流火九
月授衣春日載陽有鳴倉庚女執懿筐遵彼微
行爰求柔桑春日遲遲采繁祁祁女心傷悲殆
及公子同歸○七月流火八月萑葦蠶月條桑
取彼斧斨以伐遠揚猗彼女桑七月鳴鵙八月
載績載玄載黃我朱孔陽爲公子裳○四月秀
萼五月鳴蜩八月其穫十月隕穽一之日于貉
取彼狐狸爲公子裘二之日其同載績武功言
私其縱獻豸于公○五月斯螽動股六月莎雞
振羽七月在野八月在宇九月在戶十月蟋蟀

入我牀下。穿窬熏鼠。塞向墜戶。嗟我婦子。曰爲
改歲。入此室處。○六月食鬱及薺。七月亨葵及
菽。八月剥棗。十月穫稻。爲此春酒。以介眉壽。七
月食瓜。八月斲壺。九月叔苴。采荼薪樗。食我農
夫。○九月築場圃。十月納禾稼。黍稷重穋。禾麻
菽麥。嗟我農夫。稼既同。上入執宮功。晝爾于
茅。宵爾索綯。亟其乘屋。其始播百穀。○二之日
鑿冰。冲冲。三之日納于凌陰。四之日其蚤。獻羔
祭韭。九月肅霜。十月漉場。芻酒斯饗。曰殺羔羊。
躋彼公堂。稱彼兕觥。萬壽無疆。

七月八章章十一句

嗚鴉嗚鴉。既取我子。無毀我室。恩斯勤斯。鬻子
之閔斯。○迨天之未陰雨。徹彼桑土。綢繆牖戶。
今女下民。或敢侮予。○予手拮据。予所捋荼。予
所蓄租。予口卒瘁。曰予未有室家。○三羽譙譙。
予尾條條。予室翹翹。風雨所漂搖。予維音嘒嘒。

鴟鴞四章章五句

我徂東山。惛惛不歸。我來自東。零雨其濛。我東
曰歸。我心西悲。制彼裳衣。勿士行枚。蜎蜎者蠋。
烝在桑野。敦彼獨宿。亦在車下。○我徂東山。惛
惛不歸。我來自東。零雨其濛。果臝之實。亦施于
宇。伊威在室。蠨蛸在戶。町疇鹿場。熠燿宵行。不
可畏也。伊可懷也。○我徂東山。惛惛不歸。我來
自東。零雨其濛。鸛鳴于垤。婦嘆于室。洒掃穹窒。
我征聿至。有敦瓜苦。烝在栗薪。自我不見。于今
三年。○我徂東山。惛惛不歸。我來自東。零雨其
濛。倉庚于飛。熠燿其羽。之子于歸。皇駁其馬。親
結其縵。九十其儀。其新孔嘉。其舊如之何。

東山四章章十二句

既破我斧。又缺我斨。周公東征。四國是皇。哀我
人斯。亦孔之將。○既破我斧。又缺我斨。周公東
征。四國是吡。哀我人斯。亦孔之嘉。○既破我斧。

又缺我錄周公東征四國是邁哀我人斯亦孔
之休

破斧三章章六句

伐柯如何匪斧不克取妻如何匪媒不得
伐柯伐柯其則不遠我邁之子遵豆有踐

伐柯二章章四句

九罭之魚鱗筋我覲之子袞衣繡裳○鴻飛遵
渚公歸無所於女信處○鴻飛遵陸公歸不復
於女信宿○是以有袞衣兮無以我公歸兮無
使我心悲兮

九罭四章一章四句三章章二句

狼跋其胡載寔其尾公孫碩膚赤烏几几
狼寔其尾載跋其胡公孫碩膚德音不瑕

狼跋二章章四句

豳國七篇二十七章二百三句

詩經卷上終

服誦敬作

二日、餘在... 十一日、餘在... 十二日、餘在... 十三日、餘在... 十四日、餘在... 十五日、餘在... 十六日、餘在... 十七日、餘在... 十八日、餘在... 十九日、餘在... 二十日、餘在... 廿一日、餘在... 廿二日、餘在... 廿三日、餘在... 廿四日、餘在... 廿五日、餘在... 廿六日、餘在... 廿七日、餘在... 廿八日、餘在... 廿九日、餘在... 三十日、餘在... 三十一日、餘在... 三十二日、餘在... 三十三日、餘在... 三十四日、餘在... 三十五日、餘在... 三十六日、餘在... 三十七日、餘在... 三十八日、餘在... 三十九日、餘在... 四十日、餘在... 四十一日、餘在... 四十二日、餘在... 四十三日、餘在... 四十四日、餘在... 四十五日、餘在... 四十六日、餘在... 四十七日、餘在... 四十八日、餘在... 四十九日、餘在... 五十日、餘在... 五十一日、餘在... 五十二日、餘在... 五十三日、餘在... 五十四日、餘在... 五十五日、餘在... 五十六日、餘在... 五十七日、餘在... 五十八日、餘在... 五十九日、餘在... 六十日、餘在... 六十一日、餘在... 六十二日、餘在... 六十三日、餘在... 六十四日、餘在... 六十五日、餘在... 六十六日、餘在... 六十七日、餘在... 六十八日、餘在... 六十九日、餘在... 七十日、餘在... 七十一日、餘在... 七十二日、餘在... 七十三日、餘在... 七十四日、餘在... 七十五日、餘在... 七十六日、餘在... 七十七日、餘在... 七十八日、餘在... 七十九日、餘在... 八十日、餘在... 八十一日、餘在... 八十二日、餘在... 八十三日、餘在... 八十四日、餘在... 八十五日、餘在... 八十六日、餘在... 八十七日、餘在... 八十八日、餘在... 八十九日、餘在... 九十日、餘在... 九十一日、餘在... 九十二日、餘在... 九十三日、餘在... 九十四日、餘在... 九十五日、餘在... 九十六日、餘在... 九十七日、餘在... 九十八日、餘在... 九十九日、餘在... 一百日、餘在...

熟用

蘇村

九日一復之

第

蘇化四下未

⊕

